

揚

州

畫

苑

錄

昔吾揚以畫名者甚夥李斗揚州畫舫錄謂過客往來
及志乘所載僅十數人惜其遺失者多約畫所增亦不
及百人耳然其書成於乾隆乙卯去今將九十年考當
時畫人尙不能盡載何論後進之士蓋生於嘉慶丙子
幼年所見諸老輩落落如晨星僅一二人而已稍長卽
接見當時所擅畫者雖迹有疎密而其生平與筆墨大
略皆獲粗知咸豐癸丑之亂淪陷城中者半多相識心
竊傷焉同治中與修揚州府續志格於例未能盡載會
今夏讀天池山人魚翼海虞畫苑畧斐然乃有所作茲
特援例分著自 國初以迄今茲就前人所紀載若揚

州畫舫錄圖繪寶鑑無聲詩史畫徵錄 國朝墨香居
兩畫識畫友錄畫史彙傳春草堂筆記履圖叢話墨林
今話桐陰論畫耕硯田齋筆記及淮海英靈正續集廣
陵思古內外編廣陵詩事八屬縣志北湖小志凡已載
者遵原傳錄出復引他書以述證述至後來者無所援
據乃摭拾舊聞人補一傳或有前人僅紀姓名而盃知
梗概者亦復稍加按語贅以盃按拙補四字示以區別
其流寓閩秀方外均各埒見若夫技之工拙自有其人
之畫在不敢任意抑揚期有合乎闡幽之義云爾

光緒九年嘉平月儀徵汪盃自序

例言

是書之輯專爲表揚癸丑在城殉難諸畫友起見凡歿於書未成時者皆得預焉不厚前人不薄來者古今通義也

是書所載悉以揚州閩郡爲斷其餘則宦於揚居於揚館於揚者載流寓非是雖有盛名無因登入

是書已成友人謂諸傳所列先後倒置不合編年例余應之曰誠然緣作書之始想一人寫一人有今日想起異時忘之而前者已經刻成只得列後非得已也好在卷中人各一傳無所牽率不關編年然而獨學

昏老隨在皆是識者諒諸

是書刻成忽於編目時獨未見陶鼎朱鶴年兩傳趕爲
錄入置於卷後所謂賦海遺鹽如是如是世有仁偉
翹企待之

揚州畫苑錄

卷一目次

孫蘭

畢銳

徐又陵

宗元鼎

施原

李寅

湯禾

唐志契

志尹

宗灝

朱珏

李翊如

張翀

桑牙

王璽

蕭晨

胡春生

王雲

趙有彬

翼賢

禹之鼎

文命時

虞沅

袁江

熊維熊

丁裕

吳雲子芳覽

方士庶

黃溱

黃頤安

高翔

甲

鄭燮

李鱣

陳履戴禮

仲鶴慶

團時根宮國苞
李頑石

張杰

洪承祖項佩
魚

方元鹿

管希甯

羅聘

子允紹允纘

徐午

朱漣

蕭椿

團昇

尤蔭

張鏐

許善

江振鵬

江恂

子德量

程兆熊

子法

程鳴

張盞

金時儀

父天德

姜彭

薛銓

張奇

楊元

李穎

羅日琮

子克應

顧符禎

龍鯤

黃泰來

兄月航

王石

祖斌子琨

張嶽

李炳旦

戴仁

吳舫

畢懷圖

顧雲

徐兆熊

許楫

熊敏慧

劉傳馨

程以位

方佑

仍

黃時

朱澤況

姜尙遠

喬鐸

喬崇讓

歐陽復旦

王楠

石頤

張廷楫

熊壽眉

張統

魯東錡

旋錕

焦潤

顧同根

趙嗣夔

朱冕

閻世求

嚴希聖

文元星

樊瑩

許煥

朱刊樵

顧莊山

汪元長

吳文塗

鄒蘇

喬楷堂

蔣易

吳遠

子寅

陳澍

劉定遠

孫勳

姪時

張應升

劉應星

祖燁世

雷之屏

子崑

潘溼

戴灝

吳廉

弟之俊

閔恒

朱逢年

子炎子紹裔

葉長禮

趙夢魁

袁大樸

李羔

吳唯

子昌明

趙秉玉

子谷

趙海子九鼎

黎哲子璜

鄭在湄

陸日藻黃豫黃觀鄭乾清劉傳馨

陳多士弟燕桂子禮齋

李步墀子年

宗御子仕敏

尙友

袁淑覺

鄭宗周

耿弼

徐璽子上

理昌鳳

李鼐

李佳言

金德輝

解如森

戴笠

王汶王禮俞培周杲

黃喬年子植

陳 鎮

周 楨

李岱 峯

宮鳳舉

殷 杓

子煥

王 琨

王 潛

房瀛

楊 襄

沈 桂

孫天韶

任雲倬

鄭 鉉

秦 嶽

黃春熙

陶 鼎

朱鶴年

卷二目次

黃 雲

宋之極

徐采

方松

張品邁

李左民

繆維

子嵐

繆肇慶

徐彪

吳翔鳳

李棟

管粵秀

程壽齡

劉銓

劉輔

程志邁

潘槐庭

朱本

江振鴻

李育

陳瑗

張春雷

汪廷儒

吳廷颺

王素

焦春徐嵩慶孟毓森

袁耀

顏岳

嶧

李志熊

慶

汪榮懷

俞學易

張燧

唐淳

汪汝信

虞蟾

倪璨

子德堂復庭

史康

孫灝

劉夔

劉照

同

程鷲

徐玳

度

吳克讓

王蓀

劉奐

劉藝

李卉

萬青

弟垢

黃受華

胡翰

鄭箕

喬熙

卜懷

盧棟

垢

王兆祥

弟應祥登祥

魏畹

朱文炘

朱純

汪圻

王澄

李堅

施唐

徐龍

錢澳

謝堦

汪對

王士祿

莊臣

裴楷

嚴貽祿

陳鑑

馬紹鏞

崔福基

楊良

子東明東昌

王甲

子普

嵇澄

子樞

林溥

鴻

黃至筠

子錫慶

吳文錫

方鼎銳

子觀準

陳軺

李祖望

岑淦

張聯第

顧奎

吳恩鼎

歐陽長法

陳育

張本

潘爽

張錫嘏

子春蕃

劉世廉

龔欣

趙義

黃璨

濮士鈴

韋瑩

巫箴

李堃

李源

王建和

胡逸夫

王維翰

顧堅

姜 法

儲震昌

姜 燾

瑩

周丕烈

袁先忠

范章桐

謝承烈

方陶庵

駱在田

薛孝思

孫長吉

高子庶

李榆生

陳 戡

施亮曾

顧希愷

劉松浦

李 寶

鄒鍾靈

童錫齡

項桂

桃

郭庚吉

畢心瓏

談權

金陵

徐曉峯

黃石

耿耀

余文璨

徐震甲

黃炳

燕鎧

流寓

卷三目次

馬 驥

查士標

孫逸汪之瑞宏仁

張宗蒼

蔡 嘉

鮑 楷

孫人俊

汪士慎

張乙僧金勳

金 農

黃 慎

汪師虞

奚 岡

蔣 璋

伊齡阿

康 燾

汪元麟

汪滌崖

吳麀

湯密

謝野臣

周嶧
子身權

王濤

張四教

年汝隣

張賜寧

牛培

余棟

周瓚

孔繼幹

丁臯

子以誠

涂冬

梁師武

陸鼎

方嵩

吳嘉謨

蔡志蕙

汪鳴珂

袁慰祖

胡量

毛上京

黃恩長

錢東

朱烜

潘恭壽

張焯

施胖子

鄒擴祖

巴慰祖

朱孝純

父倫 潮高且園
李山 楊泰基

明新

張道渥

余鵬冲

程晉涵

童珏

程遂

顧樵

李菴

高鳳翰

錢載

潘承烈

陳撰

許濱

江炳炎

林道源

黃樹穀

易

汪大猷

徐柱

黃大笙

程振鷺

吳之黼

周叔球

張洽

汪灝

康以寧

張蘭

張世掌

張四杰

汪俊

王肇基

父斌

陳沅

卷四目次

方邴鶴

凌 畹

朱 霞

顧藹吉

汪南鳴

黃 照

蔣宗海

嚴 鉅

宋葆淳

王鳳岡

吳叔元

鮑 臯

父奠

沈 瀛

潘 徵

呂 潛

張 恂

何 鐵

汪洪度

洋度

王 澤

伊秉綬

吳 璵

屠 倬

朱 沆

張百祿

百穀

張 振

湯祿民

何金壽

朱子庚

錢慶恩

楊 鐸

楊昌緒

吳 榕

子希齡

諸 烱

萬 嵐

沈 唐

祝同治

李述來

徐 峨

陳清遠

沈襄琴

楊 鋹

李 譽

李文安

潘 圭

朱 齡

汪 采

朱毅昌

郭嘉桂

王 章

胡覺之

黃 靖

祝 麒

閔 襄

楊 翰

方外

顛道人

道 濟

道 存

西崖竹堂古
壽甘亭善田

方 珍

篠衫

清月

復顯

方華

明辰

了然

思義

馨山

真然

閩秀

王正

方晚儀

張因

蔡含羅

金玥

陳爽軒

員琳

柏盟鷗

陳素素

顧瑞麟

吳正肅

朱蘭

江秀瓊

戴嬌鳳

孔璐華

劉文如

唐慶雲

劉紫榮

謝雪

月香

墨香

王湘霞

許慧

鄭蕙

劉蘭

劉玟

黃之淑

黃麗珠

揚州畫苑錄卷一

儀徵汪整研山輯

孫蘭江都人工書畫精於天文詩學深遠著輿地隅說
四卷其友畢銳爲武弁工畫山水

揚州畫苑錄

焦循北湖小志孫柳庭傳其畧曰蘭字滋九一名禦
冠自號柳庭晚號聽翁明季諸生善書法於篆隸之
體講貫尤精密謂古人一波一磔皆有至義非苟然
者著字學若干卷素工詩善畫一入城則求者無虛
日所畫梅竹松菊蘭水仙有古人法度詩多唐音不
入宋派爲人題冊子及饌飲分賦援筆立就而詩題

往往不署人姓字曰是何足入吾集中年九十外終於家

又文施畢趙傳其畧曰銳字穎君晚號山樵康熙甲辰科武進士貴州平壩衛守備好形象言地師莫能測也時平壩麥秀兩歧上官將以爲瑞諛藩帥銳不可謬以平壩舊有此種抑之是年罷歸寄情於畫所作山水人物得者寶之年九十終於家

徐又陵字坦庵畫花卉有天趣工詩詞製曲有坦庵六種又著蝸亭雜記青白眼諸書

同上

又徐坦庵傳其畧曰徐石麒字又陵自號坦庵其先

爲浙之鄞人明初遷揚州承父學精研名理隱居不
應試好著書有談經笥在茲錄詞府集絲寶儉小言
敘書說禽愧錄天籟譜倦飛集瓊吟瓢聲忝香集壺
天續筆文字戲宮閨粧飾指水遺編詩餘訂譜轉注
辨訂正詞韻談騷寐語女鑑吉凶影響錄其載於范
石湖荃集中者又有松芝集枕函待問錄趨庭訓述
古今青白眼花傭月令三憶草白石篇坦庵瑣錄客
齋餘話且謠其散曲有忝香集雜劇有大轉輪拈花
笑買花錢九奇逢珊瑚鞭辟寒釵胭脂虎范蠡浮西
施諸種袁于令慕其所爲曲訪之湖中演所譜珊瑚

鞭以質之李漁來坐終日不論一詞曲王阮亭司理揚州招致境中名士吳嘉紀雷世俊呂潛皆爲網羅而石麒獨不往見與兄子元美女元端家庭唱和以供笑樂

宗元鼎字定九號梅岑別號小香居士又號賣花老人工畫着色山水同上

漁洋詩話門人宗元鼎梅岑詩以風調爲主酷學才調集嘗畫紅橋小景寄余故有好在東原舊居士雨窓着意寫蕪城之句

施原工山水晚居北湖性好驢蓄驢數十凡有客至輿

峇騎驢談論田間道左罄咳風生因畫驢成神品謂之
施驢兒同上

北湖小志文施畢趙傳其畧曰原自號牧民又號驢
兒好驢蓄數十頭放於湖濱以自怡樂善畫亦以畫
驢傳世以爲施驢者也

李寅字白也江都人與蕭靈曦齊名畫桃花楊柳圖稱
神品載縣志同上

馮仙湜圖繪寶鑑寅字白也江都人畫法唐宋幾無
別焉

湯禾字秋穎江都人工花卉點染得生趣謂可參趙昌

名筆曾繪香阜寺菩提樹圖進呈

同上

五格江都縣志方技門禾字秋隱以花草擅名點染獨得生趣禾既没人益珍貴之可叅趙昌名筆

唐志契揚州人精繪事興寄所託便齋糧遊名山大川經月坐卧其下故畫筆蕭散清遠有元人風著繪事微言弟志尹花鳥得呂紀王偕之傳時稱二唐

同上

姜紹書無聲詩史志契字敷五廣陵人邑諸生工山水所著繪事微言頗得六法之蘊

秦州志志尹字相五住姜堰鎮工花卉翎毛所居萬竹園冒襄藍瑛輩嘗過之康熙初年八十餘志契子

日昌字希白得志尹傳時稱三唐

宗灝字開先江都人工山水見歷代畫家姓氏韻編

上同

周亮工讀畫錄宗開先灝晴雪小幅自題云晴雪滿竹隔溪漁舟如月之曙如氣之秋落欵處止題一灝字王宗伯見之誤以爲沈朗倩題云仿吾家摩詰雪圖朗倩自是老到北海夫子爭之曰此開先筆也冷倩如對開先子笑曰此開先丁亥在高郵舟中爲予作也幸老櫟猶在不然又開後人幾許辨端矣王阮亭曰此是畫苑中一則佳話也

朱珏字二玉江都人工人物山水花草見畫法紀事

上同

學齋集喬崇烈字學齋寶應人萊子也康熙丙戌翰
林著學齋詩集有病中送二玉之淮上詩序略曰余
以壬申四月十又二日移榻陶園養病也迨五月二
十六日朱子見訪乃爲下榻朱子工畫善琵琶其子
若徒從焉烹葵翦韭弄筆抽絃楊柳曉風藤蘿夜月
蓋至是無岑寂之傷矣八月一日朱子告去感秋風
之蕭瑟何以爲情況病骨之峻峭不堪言別云云

李翊如字祚銘江都人工山水見歷代畫家姓氏韻編

同上

張紳字子羽廣陵人工人物山水花鳥見畫法紀年

同上

無聲詩史翀字圖南江都人天資穎悟容止淹雅畫
仕女穠纖婉淑之態萃於豪端山水樹色菁華秀潤
桑豸字楚執揚州人工山水見歷代畫家姓氏韻編上
江都縣志文學門豸字楚執早歲能文兼工書畫篆
籀既儼於庠力學篤行推重鄉里丙寅膺歲薦著有
編年詩存四十卷文集二十卷廣陵紀事四卷

圖繪寶鑑豸字楚執揚州人善山水見之者寡惟與
程穆倩共刻畫法紀年想定醉心六法也

王璽字鶴里揚州人工山水蘭石見歷代畫家姓氏韻

編同上

蕭晨字靈曦江都人以人物擅長神理具足不屑屑於
步趨前人詩在倪黃之間

同上

圖繪寶鑑靈曦江南揚州人善詩賦精繪事山水人
物師唐宋名重江淮

胡春生字夏昌一字赤岸工水墨山水寸軸萬里烟雲
變態隨手出沒載縣志

同上

阮文達公淮海英靈續集春生字夏昌號赤岸歙縣
人先母本姓呂以事改今姓父光吉官鴻臚擁重資
徙居江都以任俠名天下春生有父風家遂中落善
作水墨山水有尺幅萬里之勢人爭寶之著赤岸詩

稿

王雲字漢藻揚州人工筆樓閣學小李將軍以宋冢宰
牽薦待詔畫苑比之閻立本丹青云同上

王逢原江都縣續志王清癡名雲者工畫嘗以薦入
都供奉 內廷者十七年 康親王舊有得功圖藏
邸忽燬於火諸名手補作皆不當意獨雲所作爲工
時

仁廟屢欲加以官固辭不受因

諭雲曰爾真清朝癡子也遂以自號年老乞歸護送回
里康邸善篆刻手鐫竹里館書畫印一玉章賜之玉

厚六分方約一寸五分旁刻康熙甲申六月朔日賜
江都王雲和碩康親王篆今後人猶寶藏之

趙有彬字岷江揚州生員工書畫與龔半千查二瞻齊
名同上

江都縣志孝友門趙有彬郡學生事親極孝執父喪
毀幾滅性母病刲股療之塋兩親後廬墓三年學使
魏學誠額旌焉

張庚畫徵錄賢字半千號柴丈人家崑山流寓金陵
爲人有古風工詩文有香草堂集善書畫家貧歿不
能具棺斂會曲阜孔東塘客遊金陵爲經理其後事

撫其孤子收其遺文半千畫筆得北苑法沈秀深厚
蒼老矣惜秀韻不足耳

禹之鼎字上吉號慎齋江都人工人物幼師藍瑛後出
入宋元遂成一家寫真多白描不襲公麟之舊而用吳
生蘭葉法兩顧微用脂楮暈之娟娟古雅曾爲澤州相
國寫水亭觀鵝圖康熙中授鴻臚寺序班遂歸洞庭朱
竹垞有送之出都詩 同上

畫徵錄之鼎字上吉號慎齋江都人工人物幼師藍
氏後出入宋元諸家遂成一家有王會圖一卷傳世
康熙中授鴻臚寺序班非其好也嘗愛洞庭山色欲

居之出都朱竹垞作詩送之云謫居擬向洞庭居此
意沈吟六載餘君去西峯先相宅小樓容架滿船書
先是有戚畹策騎來召急甚之鼎南人既不善騎加
以奔促固已委頓矣至府拜謁未起卽傳命寫小照
蒲伏遲筆殊有煎茶博士之辱遂決歸計

江都文命時工畫蘭以羊豪筆蘸墨爲之佐以竹石自
言與可後無傳人自己而盡得其法性孤傲隱於湖中
故傳之不遠畫徵錄以文命時之蘭比吳秋聲之竹黃
筠庵之石云三家之法會而通之足成一家未深知文

蘭者也

同上

北湖小志文施畢趙傳文命時名二訓以字行居荒湖東種柳千樹名其居爲深柳堂一時高士多從之遊命時善畫蘭時謂之文蘭瘦筆乾墨運以中鋒秀勁拔俗花蕊疎朗別具神韻展翫時令人有世外之思洵士人之高致也傳其法於子九臯及聳焦潤九

臯字秋翎

虞沅字畹之江都人工花卉翎毛鉤染工整得法

同上

畫徵續錄沅字畹之江都人善花草翎毛勻染工整賦色妍雅得古人遺法至今賞鑑家爭重之

袁江字文濤江都人善山水樓閣初學仇十洲中年得

無名氏臨古人畫遂大進

同上

畫徵績錄江字文濤江都人善山水樓閣中年得無名氏所臨古人畫葉遂大進

熊維熊字偉男歲貢生一歲七試皆第一王文簡特置

國士之目工詩畫著瓜洲貞烈志

同上

江都縣志文學傳維熊字偉男敏慧子康熙壬戌歲貢博聞強記爲文能撫華尋根嘗於一歲中七試居第一人王士禛司理揚州特置國士之目工詩古文詞畫亦得董巨遺意好表揚節烈著有瓜洲貞烈志不媿史筆生平篤於孝友規言矩行鄉里奉爲有道

君子舉賓筵辭不赴

丁裕字文華號石門工花卉與禹之鼎齊名吳雲從之
學子芳字芳杜以時文見知於陸麟度師爲名諸生覽
字葦江號曠亭皆工畫

同上

淮海英靈續集小傳芳字漱亭諸生著愛草堂蘭譜
儀徵縣續志吳雲字侶青號蝶莊又號退翁少孤寒
博覽羣書豁達有識寄居舒城愛匡廬山水屢齋糧
往遊焉善丹青尤工詩著有退翁詩集覽字葦江觀
弟諸生著擷芳畫識

方士庶字洵遠號小師歛人早年畫山水運筆構思天

機迅發中年受學於黃尊古氣韻駘宕有出塵之目年

未五十而死

同上

畫徵續錄士庶字洵遠號小獅道人新安籍家於維揚能詩工畫山水受學於黃尊古用筆靈敏氣韻駘宕早有出藍之目誠爲近日僅見惜中壽而歿使假以年何難參四王之席其詩友閔玉井論其畫云觀洵遠少作似不得有今日之造詣蓋精進在四十以後也又曰余前過邗江見洵遠筆已心儀之然未多見今重過之洵遠已歿因遍覓遺蹟觀之大小幅皆入妙品當其得意處墨情筆趣杳渺難名令觀者神

往余前錄以南華爲藝苑後勁蓋未見洵遠也蓋按
士庶與弟士寔同爲儀徵學生員見儀徵學冊

黃溱字正川號山臞小師門人也

同上

黃頤安亦與正川師洵遠善拳勇騎射尤深史學

同上

高翔字鳳岡號西堂甘泉人善山水高甲字幹亭鳳岡
之姪善花卉尤工八分

同上

畫徵續錄翔字鳳岡號西堂甘泉人善山水撫法漸
江又叅石濤之縱恣亦善於折衷者能詩工繆篆刀
法師程穆倩諸藝均可觀惜皆於近人問途

鄭燮字克柔號板橋興化人進士蘭竹石稱三絕工隸

書後以隸楷相叅自成一派

同上

畫徵續錄燮號板橋乾隆丙辰進士興化人工詩詞
善書畫長於蘭竹蘭葉尤妙焦墨揮毫以草書之中
豎長撇法運之多不亂少不疎脫盡時派秀勁絕倫
書有別致詞亦不屑作熟語爲人慷慨嘯傲曾知山
東濰縣事以病歸遂不復出

李鱣字宗揚號復堂興化孝廉官知縣花鳥學林良縱
橫馳驟不拘繩墨而得天趣陳馥字松亭戴禮字石屏
皆從學焉

同上

畫徵錄鱣字宗揚號復堂興化人康熙辛卯舉人揀

選知縣花鳥學林良縱橫馳騁不拘繩墨而多得天
趣嘗作五松圖題云予以直者比之大臣禿者比之
名將一側一卧似蛟似龍蒲團之松或仙或佛爰作
歌紀之

墨香居畫識禮字石屏興化人畫師李復堂

仲鶴慶字松嵐泰州進士畫有生氣書卷盎然團時根
官國苞李頑石並泰州人俱工山水詩畫同上

墨香居畫識泰州仲解元鶴慶號松嵐善畫蘭而詩
與書法亦工雅嘗客東河有自題畫蘭絕句云春山
二月下南蒙簇簇幽蘭細細風我攜瑤釵君飲露憐

香曾許兩心同山風山雨本無常幾日空林改舊粧
不識曲江江上路可能回首問瀟湘廖明府古檀每
對子吟賞不置

謝佩禾春草堂筆記團時根泰州人工寫意人物幼
蓄一冊純用乾筆寫邊塞光景其山城夜角羽檄飛
騎各肖其態蓋時根曾隨某大將軍征西藏時足涉
其事故落筆蒼涼不得與人同也

墨香居畫識宮國苞字霜橋泰州人工詩寫蘭竹雜
卉生致可掬

江都張杰字柯亭工花卉洪承祖字林士號紫霞山人

畫學輝南田項佩魚字孔亭山水花卉皆精緻

同上

墨香居畫識洪承祖字靈士號林士新安人家邦上善花卉比白陽而點綴卻工較南田而谿徑自別蓋寓鉤染於寫意者也至其天趣橫發一段幽逸之致拂人眉宇洵爲士人高品間作山水非其所長

又項佩魚號小溪休寧人僑寓維揚嘗館於江鶴亭家

方元鹿號竹樓儀徵人工詩詞書法二王畫竹學東坡有紅橋春泛圖

同上

顏希源續儀徵縣志方元鹿字竹樓以字行號紅香

詞客性情澹逸工詩畫其筆高遠中年病足出必携
杖扶短童童負囊畫筆詩卷印章皆載其中過友家
或留飲輒欣然醉醉後畫竹淋漓盡致年六十外鬚
髮皆白而紅頰豐頤灑然無俗氣詩多散失詞一卷

全椒金兆燕序

管希甯字平原江都人工詩畫筆墨雅淡極盡山林之
變不苟作兼長於醫年五十無子妻素有賢譽早死死
之日發其笥獲白金五十遺書一封以此金爲買妾之
資平原晚年與洪疎谷訂爲忘年友平原歿喪葬之事
疎谷任之韋晉城進士作墓誌銘並序其詩集行世

墨香居畫識希衛字幼半號平原生少習制舉以廢
疾弃去乃涉獵諸史百家旁及金石而於書畫尤所
究心書兼篆籀真行寫山水極幽冷之致差病其弱
人物一意馬和之典雅古淡出乎塵壒之外曾畫幽
風圖一卷每章作小篆書經冠其前卽和之爲之亦
不過是花卉會心象外別具生趣所居几座之外空
洞無物壁張古書畫一兩幅庭階雜蒔杞菊並諸野
卉以觀生趣其風趣可想見矣所著有就懦齋詩集
羅聘字兩峯號花之寺僧初學金壽門梅花後仿古仙
佛有鬼趣圖爲世所稱妻方白蓮子允紹允纘俱工畫

上同

墨香居畫識揚州羅兩峯聘自號花之寺僧爲錢塘
金壽門高足壽門工古詩及銘贊雜文晚益肆力於
書畫四方爭購之兩峯從學有年盡得秘奧畫工人
物雜卉尤精貌鬼時稱獨絕壽門之游漢上也曾致
數千金隨手輒盡旋病卒旅殯蕭然竹素散佚兩峯
旣爲招魂歸浙復遍索常所往來以及酒罈貨擔謄
稿殘編摻羅不遺餘力出資彙刻爲集有十於是壽
門之撰述得不朽而兩峯之高誼尤藉藉大江南北
墨林今話允紹字介人允纘字小峯兩峯先生之子

也先生名重菡苑尤以畫梅爲海內獨絕介人小峯
善守家法而稍變之然亦各以畫梅著好事者謂之
羅家梅派孫淵如方伯嘗題小峯畫梅云相見江南
幾樹斜瓣香絕技屬君家神仙未必多寒儉寫出冰
天爛漫花小筆間作山水亦有家法方白蓮另有傳
徐午字芝田揚州舉人工山水自成一家有宋元人氣
味同上

揚州府志選舉門午乾隆甲午科順天中式

朱連字若賢揚州人工花卉翎毛亦時畫美人同上

墨香居畫識連字若賢號石齋揚州人善花卉翎毛

初學宋人今轉爲南田秋岳更覺指搗如意余於竹
室處見其所寫黃山百種花冊極其娟秀

蕭椿江都舉人以畫傳

同上

揚州府志選舉門椿乾隆庚子科中式舉人

團昇字冠霞儀徵籍居泰州工詩畫

同上

儀徵縣續志昇字冠霞號鶴筴康熙庚子副榜官訓
導知人善教歛縣項生孤貧失學已寄身闈閫中昇
偶見其詩因索閱其文急爲指授卒成名又泰州興
臺夫馬氏子父老無能爲役業替值日伺候官署前
晚歸燃糠覈并蒿葉雜燒之取映字供讀書昇偶閱

州試卷物色其文言於主人送州義學中子以膏火
并復其父所應得工食旋爲名諸生年八十八卒著
有畫山樓詩十卷文四卷

尤蔭宇貢夫儀徵人工詩畫從果親王出塞著有出塞
集紅橋游詠詩多絕唱當代文士重之畫以蘭竹擅名
偶一潑墨皆成傳作

同上

墨林今話蔭號水村居白沙之半灣自號半灣詩老
畫山水花鳥皆逸品尤長寫竹有文蘇法濃古中挾
風雨之勢仁和屠琴鴈宰是邑贈云八十一翁工畫
竹草堂个个集青鸞今年元日行春去更上先生竹

楊看家藏東坡石銚容水升許銅提篆元祐二字蓋
周禮故物後貢 內府曾廣寫石銚圖并書坡公

句於上贈人因署所居爲石銚山房著有出塞黃山
等集乾隆三十年曾隨禮親王出塞故以名集

張鏐字子貞號老蘊工詩畫著求當集郭頰伽爲之序
上同

墨林今話江都張布衣老蘊字子貞幼孤母命習賈
性好筆墨年十八專心學詩遂成名著求當集識者
謂其詩骨傲岸如孤峯之峭立通篆隸尤工刻印得
漢人遺法善山水筆意蒼莽多叅以篆法而蹊徑閒

曠望而知爲文人筆墨非畫家所能曉也道光紀元
陳邑侯雲伯欲以孝廉方正舉辭不就旋卒

許善字松圃江都人工詩畫

同上

幽光集小傳善字嵩甫善畫鬼似羅兩峯有續揚州
竹枝詞有切莫池頭刺蓮子同胞原是不同心之句

江振鵬字岷高工詩畫

同上

江恂字禹九號蔗畦儀徵籍官蕪湖道工詩畫收藏金
石書畫甲於江南子德量字秋史乾隆庚子榜眼官御
史好金石盡閱兩漢以上石刻故其隸書卓然成家所
書武安王廟碑筆力道勁善畫人物得古法歿前一年

忽以端石製寸作漢碑式屬牙瑩若錦其刻以雷里等
墨精妙時以爲識 同上

揚州府志恂字禹九儀徵人乾隆十八年拔貢授湖
南清泉縣縣新置恂建白沙東洲兩書院遷乾州同
知乾故苗疆地險而瘠恂修城郭建倉廩與遊擊江
登雲議築邊牆二十餘里以禦苗頑會左遷不果既
而知亳州淮水決城內水深丈餘恂設解拯溺給粥
賑饑全活無算事定復築護城長隄自是毫無水患
至今呼江公隄權徽州府以勞卒於官

又德量字成嘉儀徵人拔貢生乾隆四十五年聯捷

進士榜眼及第授編修改御史歷掌浙江江西道生
平邃於經術小學金石古文善詩工書尤習篆隸天
津武成王廟碑是其遺筆所著廣雅疏諸書未就而
卒

廣陵詩事江秋史侍御嘗仿漢碑式作收藏印石二
寸碑面修三寸濶寸餘上仿碑頭作穿孔刻陽文江
君之記四字下碑文云君諱德量字量殊儀徵人太
守君之長子也舉進士官御史世精古文金石竹素
靡不甄綜乃于乾隆五十七年霜月之靈刊茲嘉石
以傳億載自跋云趙邠卿生立圓石建者情也而蕩

陰表頌生亦稱諱至寶難得性命可輕身實殉之墨
君弟爲子摹漢碑獲子心哉秋史識於問津書院學
海堂明年侍御竟死或以此碑爲之識云

程兆熊字孟飛號香南又號楓泉澹泉壽泉小迂儀徵
人工詩詞畫筆與華昂齊名書法爲退翁所賞揚州名
園甲第榜署屏障金石碑版之文皆賴之早年受知於
高制軍晉巡鹽御史恒爲之寫固哉亭集晚居隨月讀
書樓子法字宗李號硯紅書法得其家傳畫眉尤精上
淮海英靈集小傳兆熊字孟飛一字香南儀徵人書
法虞永興亦精大小篆八分書間作寫生畫每多逸

品

程鳴宇友聲號松門占籍儀徵邑庠生工畫乾筆枯墨
運以中鋒純以書法成之此學石濤又參以穆情者也
詩出王文簡之門文簡嘗曰松門詩名爲丹青所掩上
漁洋集新安畫派多以漸江爲宗門人程友聲獨遠
宗董巨嘗爲予作古夫子亭圖及綠楊城郭是揚州
之句皆得古人六法三昧

張整字方穀江都人號可卿爲人端謹精鑒古人書畫
工畫金焦山及揚州二十四景圖皆出其手

同上

金時儀字朝九畫師其父天德之學仿梅花道人爲世

所稱於學無所不窺而詩字畫一時稱爲三絕

同上

儀徵縣續志金天德字華一又號伊田道人晚年詩

畫兼工字仿程京蓀子時儀亦能畫

姜彭字又篋揚州人畫翎毛第一山水學唐子畏花

卉學元人老而益精

同上

薛銓字衡夫山水得董巨神髓近今揚州畫家以衡夫

爲第一手

同上

張奇字正甫江都人山水得巨然法雲峯石迹澗澗多

態人物花草亦工

畫徵錄

楊元草亭維揚人寄居秣陵工山水有品行家固貧又

無子晚益無所依與瞽妻對坐荒池草閣中晨夕禮
佛號雖晨炊澆絕歎詠自若不妄干人也年七十餘
竟以貧死

讀畫錄

李穎字箕山江南泰州人善山水焦墨筆健氣勢太雄
圖繪寶鑑續集

羅曰琮字宗玉號梅溪高郵人善彈琴人品高淡書法
得晉人之遺尤長於丹青金陵樊圻謂其所畫山水
直接荆關董巨非溢美也子克應亦工畫

高郵州志

顧符禎字瑟如號小癡興化人能詩善書畫少從父宦
遊父卒家貧賣畫以食山水人物學小李將軍工細

入豪髮阮亭詩所謂丹青金碧妙銖黍近形遠勢窮
豪芒是也

畫徵錄

龍鯤字圖南號天池少習舉子業長而棄去工詩善畫

尤力摹右軍書

高郵州志

黃泰來字交三泰州人宗定九壻也年方韶秀雅嫻詞
賦兼工篆隸繪畫諸技與兄月航稱二難

音壘堂詩

傳

王石字曰堅祖斌字五寅工繪事有黃筌邊鸞筆意石
傳其家法凡人物山水無不入妙零縑斷冊世爭購
之子琨亦以畫名

高郵州志

張欽初名崧號石樓泰州人美丰姿雅好古玩器名公卿多折節交之以貲爲郎當授州牧後竟不仕畫筆最有聲

畫徵錄

李炳旦字震男孝廉棟子長身玉立秀爽端凝爲文章悉有光采成乙未進士讀書教習館中是科留京候大考炳旦未預試而歿炳旦詩宗蘇陸書類吳興作平遠山水直追摩詰都人稱三絕

高郵州志

戴仁字維容人品修潔善畫山水以雅淡勝東撫朱公見其畫大加歎賞且曰韻太冷其無後乎後卒如其言

高郵州志

吳昉字方舟維揚人善白描人物并寫照

圖繪寶鑑續

集

畢花江懷圖揚州人丁卯孝廉歷知績溪安福等縣事
工詩善書兼精畫梅有自題畫扇云東風何日爲開
花愁絕秋簾夢酒家晨起忽然思舊葉月明烟淡一

枝斜

墨香居畫識

顧雲宇鴻野揚州人曾官主事善畫墨菊古淡可愛嘗
有句云更無人處霜鋪徑微有香時月過牆

同上

徐兆熊字開齋號東濱泰州人癸卯舉人授內閣中書
旋乞終養歸里以詩畫自娛工寫意花鳥尤善畫松

泰州志

許楫字午橋號麓緣甘泉縣人僑寓楓橋得畫法於閻世求花卉翎毛皆工緻妍雅曾寫杏花春燕子題三絕句報之

墨香居畫識

熊敏慧字遲度又字穎生江都瓜洲人順治乙酉舉人究心理學工詩古文辭旁及書畫著有汲冷堂集

淮

海英靈集小傳

劉傳馨本名啟字最魯號旅齋寶應人師恕次子詹事府主簿工書畫著有隸辨歷代書法宗派說

同上

程以位字崑山號豆田江都人少孤後以哭母喪明工

書畫最善白描人物

同上

方佑字右人儀徵人工書善畫梅兄名仍字乃人康熙

間二方詩名甚重

同上

黃時字雪田儀徵國學生以詩畫白名

同上

朱澤況字景願號海音寶應人畫善山水著海音詩略

畫法舉要二卷

同上

姜尙遠字履坦號蜚巢江都人詩畫蕭疎冲淡與布衣

沈大修道士惠源等五人在宜陵鎮東社爲詩會

同上

喬鐸字元溪號斯齋寶應人博學鴻詞萊孫也官夔州

府工繪事有詩一卷

同上

喬崇讓字致能康熙丁卯副榜萊次子工寫生龜猴二種尤能逼真善八分書臨歿有詩云天下八分鄭谷口我書似之今亦無兩人相繼歸黃土此道將無付

子虛

同上

歐陽復旦字爽谷號晴峯江都諸生居北湖公道橋工畫山水精於畫法尤精於醫卒年八十一

同上

王楠字配文號讓亭甘泉諸生居邵伯鎮博聞強記精於選理善畫嘗試角黍射雁二賦李侍郎因培按試得二人謂讓亭與汪中也著有青箱詩二卷賦一卷廣陵思古編小傳

石頤字正也號養齋泰州人以增貢考授同知善畫法

王麓臺

同上

張廷楫字汝舟號厚庵一號竹屋甘泉諸生居邵伯鎮

工書畫

同上

熊壽眉字以介號梅笑江都瓜洲人諸生弱冠受知於

田綸霞書畫秀絕一時著雕蟲茶坡亭等集

同上

張統字虞廷號歷山江都人歷山生長朱閣工畫善鼓

琴著比光閣集

同上

魯東錡字載馨江都貢生善書工畫詩文俱有宗派著

偶然集

同上

旋銳字劍亭號三橋江都仙女廟人諸生工詩文兼精

書畫

同上

焦仁亭潤居黃珏橋性孤潔有鹽賈謀諸其友友與之
飲談笑厚密以紙幅餽之欣然成十二幅明日廉知其
故於每幅上添數鹽鹽賈快快遂棄之

同上

顧蓮溪同根與化老諸生工於畫法邑東有浮圖三級
久不修因繪三圖一原其始一寫中圯一望更新各
係以詩里人踴躍而功遂成然畫雖素好誠不易得
作時一視一水盂正衣端坐不與人通一語或十數
日成一紙紙中方寸地有加染數十次者

廣陵詩事

趙南屏名嗣夔居北湖工於丹青尤善指畫以武舉會
試不第因隱於農自號鋤夫嘗自畫牧牛小照題以
詩云今日且知牛背穩閒情穩判學鋤夫

同上

朱老匏冕工詩畫善苦吟老病而寢瀕死詩云卜葬憑
親友觀空當子孫又秋夜雜感云暖被難求通夜火
下弦猶見半邊秋冷露無聲增涕泣西風如割入瘡

痍

同上

邵伯閣世求字非凡專於畫荷自三月迄十月每日臨
池上體會其神狀作一花必終日乃成烘染鉤勒務
極細緻晚年潑墨頃刻可成百枝有詩云花前渴飲

倚人扶醉把芙蓉潑墨塗十日一山王宰畫衰年那
得此工夫 同上

嚴希聖廣陵人善畫高凡夫卓贈其詩敘云希聖廣陵
畫師與舍下近別十年矣忽於京師報恩寺中過之
挈一幼兒手持粉墨求售傴僂萬狀憐其貧老周之
而係以詩 同上

文衡夫元星善畫梅世以醫名有種瑤草堂集七言云
三島烟霞歸鶴背一天風雪夢梅花 同上

樊次白瑩儀徵人花卉得宋元人筆意尤精於畫鸚鵡
時呼爲樊八哥 同上

興化許燹門煥工詩善畫嘗作畫梅橫幅於上方禪智寺題四絕句頗括寺中諸勝筆法蒼健晚年傑作也

同上

朱刊樵工畫吳似庵閣上有羣鶴來翔刊樵爲之繪飛

鳴過我圖左自衡作詩紀其勝

同上

顧莊山工畫左自衡十琴堂前紅梅四月放花莊山爲

之圖

同上

汪元長善繪事馬經畬振仲半查之子始冠之年仁和

杭太史世駿贈以玉輪元長爲作玉輪圖

道古堂集

吳文奎自畫秋棚翦豆圖繫以詩云一棚豆雨潤秋原

堪讀閒書老華門便有蟲聲過幽耳滿衫酒澱草中

痕

廣陵詩事

鄒蘇宇建之邑諸生能詩善畫死於兵吳蘭次絢有詩

悼之同上

喬楮堂畫枸櫞一枝贈王子中懋竑題一絕云蕙帶寬

圍訝沈郎筆鋒銷盡業全荒幾年不屬橫花管一樹

撐青著意黃蓋喬氏樂志堂前有老槐一樹故及之

寶應縣志

蔣易字子久江都瓜洲人少補諸生卽棄去家有洲田

數十頃埒於江遂致窮餓爲詩不取時好五言得少

陵風格無子晚年益窘賣畫自給人爭寶之有石閭

集 江都志

吳遠字近之其先歙人幼往來文徵明丁南羽家傳其

筆法以善畫名子寅尤工傳真

儀徵縣志

陳澍字雙庵莆田人世居儀徵嚴氣正性兩舉鄉飲辭

不就精繪事尤以畫牛名

同上

劉定遠以精繪事入爲畫院供奉後終於都門

同上

孫勳善山水勳姪時得勳之秘亦以畫名

同上

張應升字髯翁善畫蘭竹松柏尤蒼古

同上

劉應星字景燦武舉燁世子習祖業以畫名

同上

雷之屏字爾樹其先江西人之屏始遷儀徵善寫真亦
精人物與汪昌言等并傳子崑世其業

同上

潘涵號坳堂歛之嚴鎮人居儀徵以畫名家築南園別
業與諸名士吟嘯其中

同上

戴灝字平江孝于士誠之孫幼工文畫筆尤精山水人
物皆冠一時

同上

吳廉號湄川敦本守禮尤孝事母與從弟之俊究心繪
事善詩著清澹書屋集

同上

閔恒字恒吉儀徵學生工詩畫父病刲股療之

同上

朱逢年字十千工山水人物用筆精細子炎字樸庵學

父畫而多寫意繪育人尤盡情態炎子紹裔字步堂嘗在郡城興教寺與鄒擴祖若泉同畫五百羅漢於萬佛樓下廊壁乾隆丙午邑大荒紹裔作飢民圖十二幅呈當事得請展賑

興化縣志

葉長禮字杜山雍正十三年副榜善畫細竹麋鹿

同上

趙夢魁一字孟奎又字弁南能書工寫菊竹蘭石而梅

尤妙

同上

袁大樸善畫山水

同上

李羔字卿贊號頽山郡庠生性高邁遇俗士輒斥之書

宗顏柳大楷尤雄勁畫蘭竹亦雅

同上

吳唯字質之庠生工畫蘭必繪其根子昌明字小道學
父畫而未逮然名籍甚 同上

趙秉玉字荆山工花鳥人物子谷字東暘亦善畫 同上

趙海字三山性孝友工花卉蟲鳥李鱣甚奇之子九鼎

字蘭癡工畫蘭竹乾隆庚戌獻畫冊 欽取第

一 同上

黎哲字魯山庠生善花鳥竹木師舅氏李鱣得其真訣

子璜字釣之號礪溪庠生亦善花鳥設色清新頗饒

逸韻 同上

鄭在湄字九起自號蒼頑子工詩善畫著述甚富閉影

蒹葭蒼茫中以葭名其園梁鶴林以樟贈詩褒美比
於古不臣不友之士

寶應縣志

陸曰藻世居柘溪工畫刻畫精細爲興化顧瑟如入室
弟子時黃豫黃觀兄弟皆善山水兼工寫生鄭乾清
工畫石劉閣學子傳馨以貴介怡情翰墨師淨圻道
人日藻廁身其間亦足與舉旗對壘

同上

陳多士字卿武恩貢生弟燕桂字蕃圃庠生皆能詩及
寫山水多士氣子禮齋字簡夫恩貢生能文兼善人
物興化縣志

李步墀字丹九庠生善山水子年字蓬觀好古多聞嘗

網羅散佚以修邑乘餘力作畫似父步墀

同上

宗御字南屏工山水間作人物花鳥多用水墨似吳仲

圭子仕敏亦長繪事

同上

尚友字有朋號漁莊少孤貧任春春舍近學宮樹有鰈

巢友日翫其飛鳴棲宿啜食引雛之狀假筆墨畫之

情態畢肖由是習書習詩旁及花鳥竹木

同上

袁淑覺字民先工墨筆秋海棠

興化縣志

鄭宗周字柿軒號半癡善山水花鳥以渴筆作鸚鵡殊

妙

同上

耿弼字範南號幹園岸生畫花卉翎毛

寶應縣志

徐璽字半村善書工山水蘭竹子上字駕鼈善畫雨竹

雨蘭

同上

理昌鳳字南橋本姓李幼孤貧爲僧復爲道士晚乃返

初服易姓理好畫蘭竹具蒼莽之氣字法懷素

興化縣志

李鼈字駕山書險勁亦工蘆雁

同上

李佳言字謹之工詩詞善楷書弱冠游京師館於董文

恭公宅乾隆五十八年補繪

御製詩二十七

冊數日而畢蒙

賜屯絹油扇香囊等物考取

方略館謄錄授福建蒲城縣丞後丁憂歸

同上

金德輝字子石貢生工畫山水能仿大家自出新意又

善詞與同邑鄭子視黃子晉爲興化三子

同上

解如森字春卿庠生能書工畫花卉間作山水亦精

戴笠字雲笠號臙夫善蘭竹有東坡筆意

同上

王汶工寫真與丹徒王禕海寧俞培吳江周梟輩齊名

同上

黃喬年字鳧仙工詩擅書畫年八十子植亦以書畫名

同上

陳鎰號溉夫一號澹道人住海安鎮能詩工書畫尤擅

畫松桐夢侍郎麟有澹道人秋色梧桐歌甚稱許焉

同上

周楨字蒼厓住海安鎮善青祿山水奇橫蕭疎兼有其
致弟子李岱號柏堂工山水花卉岱弟峯號石丈工
墨梅同上

宮鳳舉號蓼溪編修鴻子工詩善書畫規撫宋元人粉
本輒生動有致同上

殷杓號古農江都廩生工書畫作梅花專以瘦枝疎萼
取致論者謂不在巢林居士下子煥諸生亦工畫梅
續揚州府志

王琨字山輝高郵人工花鳥同上

王潛號東臬子高郵人工山水花卉多與房瀛合作時

稱二妙

同上

楊裒字榮秋高郵監生以指畫蘭竹極工秀

同上

沈桂字雲巢高郵人以啞號默道人善寫照亦能畫螺

牛

同上

孫天昭字墨林興化人廩生倜儻不羈恥事生產喜爲詩每拈一韻渺然絕俗更以餘閒精繪事山水派近

雲林兼工墨竹時頗珍之

同上

任雲倬原名雲臺字漢卿江都諸生生平慷慨尚義朋友有急難走相救唯恐弗逮嗜學不倦尤邃於易工

畫善行楷草書咸豐三年死於難

同上

鄭銓字景堂興化人諸生口吃耳聾而讀書通大義孜孜好學至老不倦性尤好善手輯先正格言身體力行工畫蘭竹石得其伯祖板橋大令法咸豐六年粵寇再陷郡城罵賊不屈率孫女翠雲投井死年七十

六 同上

秦熾字玉笙江都人道光元年順天舉人工詩文善書

知醫晚年尤以詞名著有意園酬唱集吟館詞 同上

黃春熙字聖臺儀徵廩生幼習漢學力能探及微茫凡聲音訓詁之屬尤多參酌著述甚多惜無傳刻工詩

古文又善書畫山水花卉皆雅令有逸致咸豐三年

死於難時年將五十也

拙補

陶鼎字立亭揚州人其寫青綠設色山水妙於渲染筆
既掩潤氣又流暢洵屬能手亦善花卉得俞澆之法
行枝布格頗有意致

墨香居畫識

陶鼎字立亭揚州人寫青綠山水妙於渲染洵屬能

手爲湖北汪樵水弟子亦善花卉

墨林今話

朱鶴年字野雲泰州人幼工書畫九歲爲寺僧作山水
小幅州牧見之曰此子當以畫傳及壯貧無以養親
遂以錢八百纏腰徒步北上鬻畫以爲旅食入都後
畫理益精名噪一時鶴年外和而內介喜行善事提

拔寒素曾救人於死人皆樂與之遊朝鮮人喜鶴年畫且重其人品有懸鶴年像而拜之者

掣經室續集

鶴年僑寓都門山水有大滌子風椒畦孝廉稱其意趣閒遠不染時習性喜結納時長白法時帆學士主盟騷壇築詩龕奉陶靖節繪圖徵詩山人乃顏其居曰畫龕與都中賢士大夫文酒往還聲氣殆與詩龕敵故其畫益著京師馬秋葑張船山兩先生尤引重之吾邑孫子瀟太史嘗寄詩云米怪倪迂萬邱壑周妻何肉半瞿曇燕雲回首難忘處一箇詩龕一畫龕山人士女人物花卉竹石靡不佳山人偶過舒鐵雲

齋見唐稚川所作破被篇卽點筆寫破被圖圖成系
之以詩云冷被多年鐵打圍杜陵舊雨送將歸替他
綵筆傳春夢一夜鴛鴦破壁飛十年禪榻睡魔消留
得姜肱被一條還似霓裳初出破青天補石月修簫
鐵雲自作長歌紀之見瓶水齋集山人曾於萬柳堂
補種柳樹友人出都輒寫蘆溝折柳圖送行生平所
作不下數十幅也

同上